

前淫事而墮入人胎故佛又言我最不欲母人入我教中爲
其有敗道行之具也

二也

此已上言陰神所出二端

如此則神出而證聖者爲凡者趨惡道者盡知之矣予謂有志
大修行者淫事固當首戒而身後淫事尤當戒

十三問曰佛既同於仙仙有五等

卽天神地人鬼五者

佛門宗有五目

外道禪凡夫禪小乘禪大乘禪最上乘禪是也

道藏輯要

仙佛合宗語錄

三

畢集二
川川川

俱相同否答曰五目皆同

最上乘禪佛同天仙大乘禪菩薩同神仙小乘禪同地仙凡
夫禪同人仙外道禪同鬼仙

又問仙宗下以長生爲根基佛宗下只談凡夫死亡禪命終而
死以輪迴現而能躲脫爲當機以生天生人爲轉身出頭謂之

沙門四果

一是須彌洄果能七生天上能七生人間爲證二是須陀含
果能一生天上一生人間爲證三是阿羅漢果能只生色界
不來欲界受生爲證四是阿羅漢果能不死不生爲證至此
方成沙門方是了生死的菩薩

仙宗或不言此答曰仙宗亦言四果佛宗亦言長生然上仙亦不止於長生而極於還虛而與仙之名者亦不皆得長生其外道鬼仙亦有死生在爲四果之列者考仙宗之言四果有玉帝本行集經功德品云九品之內四果仙人運應數合下生人中尊貴

凡下世帝王大臣皆四果降生功行高者生同色界功行小者生同欲界一生天上一生人間之果如伏羲神農黃帝帝嚳唐堯夏禹皆生欲界以其行淫而生子也亦止一生人間而返天上昇三界之上如釋迦佛只生色界爲太子不行淫生子而修行逕超于三界之外

道藏輯要

仙佛合宗語錄

三

畢集二一
X1111

張紫陽真人又目而言之曰投胎曰奪舍

王重陽真人云莫希奪舍學投胎便向瑤池下手栽

曰移居曰舊住

紫陽真人悟真篇云投胎奪舍及移居舊住名爲四果徒

正不免生死而求不墮輪迴者昔陳顯微云遇物對景當以一息攝之而不復有相生相滅之機此不輪迴不受生之妙用也正爲此也掃拂得心中境魔淨躲卻輪迴路令進修有根基
世世生於人中方有進修根基

從此以往生平日行十善雖無修行功行死後可能生于人中此善因之本果得六趣中之一人道也平日行十善又有修行功

行得初禪念住者

念住是念住于定所以執心不行淫欲以求住念得念住則得初禪之果矣

命終未終

得初禪則住定于初禪而不變異命若終而死也住定于初禪命若未終而不死也住定于初禪

猶然隨念亦住於初禪天

隨念者隨禪定正念卽所謂禪悅爲食法喜充滿

卽華嚴經所云佛子如得初禪雖未終命見梵天處所有宮殿而得受梵世安樂

道藏輯要

仙佛合宗語錄

三

畢集二
川川

此上數句言得初禪受用

得諸禪者悉亦如是

諸禪者二禪三禪四禪也得諸禪受用皆同于得初禪

是也得二禪息住者命終未終皆住二禪天得三禪脈住者命終未終皆住三禪天得四禪滅盡定者命終未終皆住滅盡定四禪天卽華嚴經所謂隨所入定境界根前是也

隨所入至處則住入到二禪則住于二而不動退入到三禪則住于三入到四禪則住于四

此得色界之果也

滅息定言胎息滅盡而息真元謂之胎圓可出陽神之時也

總此四禪畧似懷胎養神之十月爲生天之上品果也或有生於欲界六欲天者淫事雖無

由執身不行淫欲故無事

而淫念未滅盡故但欲界雖名天而多不離于地若生無色界空處識處無所有處非想非非想等處天者淫念空滅盡故謂之四空天此修因之正果得六趣中之天道也或有上隸於天曹居下界卑職掌人間村落小境界如土地城隍社令山主水主福地仙官皆是楞嚴經所謂地行羅刹

此是不除葷食之鬼

遊于四天者亦是佛言三界內之眾生者卽此輩俱是也能五

道藏輯要

仙佛合宗語錄

三

畢集二
川文三

通而不能六通皆不知金丹大道之流不得金液還丹之果不能修證上仙故也世人求證此果而竟不能得者多矣

不修還丹證仙者只得下界卑職然卑職亦不易得乃修十善至于萬全而可陞仙者上界始授以卑職行代天治世之事十善不全者雖欲求卑職亦不能得

吾輩志成仙成佛者絕不談此且其從人而生於人中者危

今世爲人後世亦生爲人此固不墮惡道橫生皆善果也危者此時若不行善則墮惡道故危

從人而生於天

有善行多則生天人有道行則生于天王及仙官仙士

天而下生于人中者吉

從天降生人世如世尊從兜率隨天降生爲人善行道行兼全易修成佛故曰吉

是何故原夫在欲界天者

此下詳言自天而後下生于人者

雖淫欲未淨盡亦貪淫欲事有淨行淨性者及生人中時淨性不昧進修念專易於證道及于此生求成仙成佛如世尊自兜率隨天來如彌勒亦從兜率隨天降神受生所謂一來生而不再來生者故曰吉又有在色界天者淫事淫念俱淨盡及下生人中來亦於此生永必成仙佛如初祖迦葉如西六祖彌迦遮者故亦吉若生人中而復轉生于人者善不善相半

半行利己事半行利人事以世法爲塵勞

淫與淨相半

半生子孫半修梵德戒淫

及至轉生於人時舊念依然相半

舊念者卽上善不善淫淨等

若善與淨行長則升爲七生天七生人之類如昔軒轅黃帝久居天上因議大行

天壽天福滿矣時當議大行昇遷向上謂天上功行難積人

間功行易積故下生

下生人間一世爲民二世爲臣三世爲君乃成上仙又王重陽真人與馬丹陽真人連十世爲道伴皆遇正法而未迷及此世爲師徒同證天仙如世尊過去世不卽成佛必歷三大阿僧祇劫積修而後得道又如三洲護法韋馱天尊爲十九世童真者又如天台智者云梁之祜律師轉劫爲唐初之律師道宣者此由人轉生于人功行漸增而升者故從危中而得吉也若淫行與不善同長則日趨於下易墮於三惡道同凡夫俗士之苦趣故無吉而終危如華嚴經所謂耽着五欲

五欲者食欲色欲財欲名欲睡欲此名五愛欲也又色聲香

道藏輯要

仙佛合宗語錄

卷

畢集二

味觸五者爲五塵欲也

遠離諸佛障礙生天者是也人中志高者求生天志卑者求生人何以知生天生人之異又何知所以異求也其妙在于仙道

佛法中之一

○音圈點耳

此一○丹家謂之野戰此一○丹家謂之守城

人能于平常絕淫欲自少壯至老晝夜皆不失此○功德得至寂滅謂之凡夫涅槃則能生天

得形如槁木心似死灰神識內守一志不散定中以出陰神爲清靈之鬼亦曰鬼仙命終而死者卽生天爲天人

故華嚴經云如此三昧能令一切眾出地獄故免畜生故閉諸

難門故開人天道故

涅槃由三昧正定而至涅槃而有生死謂之凡夫涅槃尙有六道而求脫輪迴者涅槃而永斷生死卽是佛涅槃而自無輪迴者學仙佛者當知之爲趨向此理詳于楞伽經

平常不行○之功而失此功德及臨命終時七日能如此○卽華嚴經所謂于世界中死此生彼心無癡亂入胎出胎心無癡亂者則亦能生人中之洪福如永禪師轉生身爲房瑄丞相是也故智度論

三藏中論名

云欲界眾生有三種以善根上中下故也上者六欲天中者人

道藏輯要

仙佛合宗語錄

三

畢集二
X。上

中富貴下者人中卑賤

言死後往生有此三種

又云上分因緣天道果報中分因緣人道果報此生天生人之二者必須聖師度知而後有所宗主學仙佛三種之末學若不悟此○者不遇真師傳此○者且不能生于天生于人又安能得成道此止于鬼仙及禪師凡夫禪之同者如是故華嚴經云奇哉眾生愚癡無智于生死內受無數身不能以不堅固身求堅固身者正謂此輩也有所謂聲聞佛者華嚴經云聲聞乘隨他語解智慧狹劣是因師傳道之聲而聞道可自進修亦可度人進修知佛道而能成佛道故亦曰佛卽仙宗中之遇真師得

度正道而未行道築基之人也若肯行亦徹底有所證有所謂緣覺佛者於修行時緣色便覺空故曰緣覺卽仙宗百日關中除淫根以鍊精化炁空卻色緣而得純炁長生不死之人仙也葛抱樸所謂下士得道長生世間者所以大毓禪師云學佛之士勿滯無漏便爲了當要超出陰陽之外則佛事方畢有謂二乘佛者心有生滅以生而趨滅息有出入以有而歸無以有無生滅二者循環故曰二乘自念住息住脈住而趨至於如來寂滅海卽同仙宗十月關中玉液還丹關節相通抽鉛添汞陰盡純陽鍊炁至無而得化神之神仙也葛抱樸所謂中士得道棲集崑崙者有所謂最上乘佛者不涉有爲不落言詮無名無相

道藏輯要

仙佛合宗語錄

三

畢集二

非佛非法寂然妙明天地陰陽不能死之生之壽命無量過於天地卽同仙宗九年面壁鍊神還虛以後超出於天地之先不壞於天地之後之天仙也五等五目皆同者如此又問今說佛言長生不死從何證據答曰按佛藏因果經云悉達多太子啟王父曰我欲出家爲有四願一願不老二願恆少壯三願無病四願恆不死此便是世尊求長生不死之志法華經云佛說是經八千劫未曾休廢說經已入靜室住於禪定八萬四千劫此便是世尊得長生不死之驗

世尊求長生住禪定以爲道而求成佛後生不求不佳而反闢之今人若許佛言爲是則僧言爲非若許僧言爲是則佛

言或非如是掃佛之言流于世誤殺半閻浮人矣愚謂求其
兩是必得長生禪定者而忘其長生禪定斯可言不求不住
徒然一凡夫幻生妄念者而稱不求不住即如田不耕種不
播何以搏飯而反曰無用食如是說者不墮空亡外道吾不
之許也後之來者能于求住歸一一歸于無則同佛同仙之
實悟若言不求不住于一不一而無則同外道之誑語諸人
其必自勘之哉

又曰大通智勝佛壽命五百四十萬億那由他劫舍利佛作佛
壽命十二小劫迦葉成佛壽命十二小劫須菩提成佛壽命十
二小劫大迦旃延作佛壽命十二小劫大目犍音乾連成佛壽命

道藏輯要

仙佛合宗語錄

矣

畢集二
X 81

二十四小劫富樓那成佛壽命無量阿僧祇劫憍陳如成佛壽
命六萬劫阿難作佛壽命無量千萬億阿僧祇劫羅睺羅作佛
壽命無量千萬億阿僧祇劫提菩達多成佛住世二十中劫威
音王如來佛壽命四十萬億那由他恆河沙劫藥王菩薩成佛
壽命四萬二千劫華嚴經十一卷云一切功德須彌騰雲佛壽
命五十億歲又云雖經劫住而身不離散不羸瘦不變異

此同仙家之形神俱妙

又云海雲比丘於彼佛所千二百歲受持普眼法門地藏菩薩
本願經云佛言覺華定自在王如來壽命四百千萬億阿僧祇
劫淨業障經云世尊言無垢光如來佛壽九十劫又稽古畧書

云寶掌和尚西竺中印度人也于漢獻帝建安二十四年來此土後扣達摩大士悟旨住世一千七十二年而逝又唐太宗時天竺方僧娑婆寐者來此土自言有長生術太宗深信之如華嚴經所云得智藏身于不死界而得自在又云具足修行離老死法又云得不老不病常住命根者皆佛法門中長生不死之證同世尊四願無二也後之修佛法者安能悖佛願而二之耶後學必如此語等證方為得佛法之真

又問何為小劫中劫之年數答曰按佛藏娑婆論云中劫有增減算法減者從人壽八萬歲起以一百年減一歲減至十歲為一減增者從人壽十歲起以一百年增一歲增至八萬歲為一增如是十八增減為二十中劫約一增減十分之九

道藏輯要

仙佛合宗語錄

卷

畢集二

每一減八萬數一增八萬數二八一十六萬數共一增減十分之九者八九七萬二千為一中減七萬二千為一中增二十七十四萬四千為一增減中劫之數大約如此也再詳言之百年減一歲千年減十歲萬年減百歲十萬年減千歲百萬年減萬歲七百二十萬年內除去一千年為一減之實數一增亦如之併二七一千四百四十萬年內除二千年完一增減中劫之年數此比人間凡世之年數也除二千年不算者以其減劫之內因少十年增劫內亦少十歲故也便是一中劫之年數小劫未見定論以八十中劫成一大劫推

之當是一中劫亦可折爲八十小劫大約卽見其年數也非不長生者能超越如是劫數也然又當知以劫數計壽命者數有盡猶有壞劫在如聲聞緣覺四禪菩薩二乘等與天仙地仙人仙三等者同也以劫數計一定者當知定之如是相續不已劫劫如是超越無窮無壞劫直超天地陰陽此世尊佛與最上乘天仙者同長生之極致者耶

十四問曰陽神出非必執於身外有身已承明命但習聞舊說猶不能釋然謂本是無身若謂果無形相可見不知何以謂之出請再詳以教我答曰仙佛之種性卽本性之靈光非有非無亦無亦有隱顯形相安可拘一昔軒轅黃帝以火龍出施肩吾

道藏輯要

仙佛合宗語錄

早

畢集二

鍾離正陽呂純陽三真人以上三級紅樓出以七層寶塔出劉海蟾真人以白氣出化鶴冲天馬丹陽真人以風雨雷震出孫不二元君以香風瑞氣出劉朗然真人以金蟬出蘇耽真人以白鶴出西山十二真人王祖師以花樹出此有相可見而非身也邱長春真人出則通天徹地見天地山河如同指掌又云三次撞透天門日月自別直下看森羅萬象南嶽山藍養素先生以拍掌大笑出此二者無相可見而亦非身也釋迦牟尼佛世尊以白毫光出故華嚴經五十卷云世尊從白毫相中放大光明名如來出現又法華經亦云世尊放白毫相光照見東方萬八千世界靡不周徧下至阿鼻地獄上至阿迦尼吒天